

養

一

齋

集

養一齋集卷之四

山陽潘德輿彥輔

戊子年

新河舟中

新河舟中不可忘一曲一折皆山光大江濁浪怒初定修
竹人家深自藏小鳥帶雲出林薄亂蟬吟日催帆檣孤游
何似卜居好老子種棉兒牧羊

中山王勝棊樓歌

天魔幻作房中樂敗局朝廷付高閣東吳西漢梟雄姿誰
向枰中著先著臨濠真人天運開賢館未築將軍來君臣

等是第一手咄嗟羣雄安在哉太平清暇移仙仗翠華細
轉平湖上賜坊妒殺湯信公賭墅偏偕徐右相湖作簞紋
山作屏玉樓洞徹音丁丁將令如山頻克捷聖心似海忘
輸羸拜舞鴻恩古來少從此湖山屬元老心輕折展謝東
山眼空作郡羊元保不見湖堧舊日樓緜緜香火在樓頭
子孫食稅惟菱芡王者威儀尙冕旒白門楊柳依然綠南
渡君臣歌舞促雞籠山豈爛柯山徑把興亡儕一局

靜海寺歌

寺以沈香爲柱降香爲梁永樂時太監馬三保歸自西洋所建

龍江煙水秋茫茫靜海寺外千帆檣眼前江水等一勺寺
僧爲我談西洋荷蘭真臘久入貢雄心未鑒明文皇刑餘

之臣佐遠馭戈船直指西南荒從行白骨擲海岸九死歸
來頭亦霜大共小球侈王會明珠犀象盈歸裝奇珍鉅萬
不暇數龍驤萬斛堆沈香請看入門第一殿以香爲柱香
爲梁游人傳誦五百載手摩鼻嗅憐芬芳稽首淨土信香
國此公所到眞天堂我聞僧語色不許喜功好大無純王
穆滿瑤池不足信春秋外傳譏白狼史公微文大宛傳張
騫廣利謀非臧何況魁柄假閹寺遠人不來專出疆千尋
梁棟足瞻仰萬人汗血誰憐傷更看銅鼎萬鈞重雷紋古
篆追周商洪熙元祀鄭和造益知貨寶歸貂璫委鬼逆燄
屋明社永樂作俑墮乾綱兵部冊籍可一炬

成化時兵部
尙書求三保

下西洋冊籍職方郎中劉大良臣卓識邦家光語僧勿祀
夏對以止失即在亦當煬
馬三保有塑像讀史吾欽劉職方

永濟寺懸崖

千峯演迤一峯陡入門右顧驚而走外出鋒鍛中空虛欲
墜不墜勢難久鴻濛胚胎幾萬歲堅牢定有鬼神守大斧
一劈膽橫絕元氣不敢爲之母猙獰狡獪脫鐵索豈於石
縫嵌樞紐其中屋可數十間娑羅老樹蔭廣祇疾風一起
山動搖舉頭無天仗地厚詩狂直欲謫真宰夷險同觀失
好醜此心平處懸崖平何必參禪纔撒手

石上題懸崖撒手四大字

梅花嶺弔史閣部

江淮一旅勤王急手捧虞淵將墜日天使貴陽據奇貨潞
王不立福王立深宮歌舞夜達晨老臣血淚霑衣巾徒存
正統春秋法恐負師言社稷臣四鎮庸奴怯一戰齧指題
書指骨顫告身已付嗣子奔有眼皇天存一縷哀笳數聲
血如雨身作維揚城下土恥言骸骨歸故鄉以我衣冠還
太祖嶺頭日落嘸神鴉冠裳慘碧蕪泥沙此邦性柔公使
直四時人拜霜中花吾淮不祭典闕佚公嘗爲漕帥吾淮亦當有祠
聖朝特壯邗溝色分明後死李庭芝何必前身文信國降
臣借口救生靈看取祠堂碑版明從來信義立民命一城
效死是長生

高廟阻風

危磯阻江水高廟候湖風水力不知岸風聲能撼空僧房
閒半日秋色起雙桐瓦塔坐相對無言香靄中

丹徒弔宋武帝

潛身草澤歟從戎虎步龍行氣槩中能示子孫惟節儉自
拋關隴不英雄桓元轉借前驅力典午休誇再造功我到
此都問人傑周郎以後贊皇公

江陰懷古

江聲怒挾海風起未上君山覽天水且喜黨人李仲達舉
頭華表煙霄裏幼諷仲達文壯觀仲達傳生前獄吏與仇

讐死後邦人奉文獻男兒發憤爲俊雄區區典史稱大忠
升平達官孰比烈惟有醇儒文定公客到偏隅畧稽古宦
塗升降如塵土使者手提風教綱豈獨文章稟鄒魯大江
浩浩天地閒扁舟載酒談忠姦古來權勢風中葉樵夫含
笑上黃山

東林書院

萬古賢姦冰炭腸翻因矯激責忠良豈知北闕人非舊卽
不東林國亦亾橫舍祀應增景逸道南倡必賴涇陽姚江
宗旨非鄒繹誰輓頽波忍謗傷

倪雲林祠

擾攘羣雄會飄然一客槎全生真有識垂死竟無家小技
喧流俗高情絕點瑕白衣推老鐵未免昵芳華

鎮江至江甯山行雜述

林寒鳥未起窗雞亂幽夢琳宮鏗華鯨客去曉星送遙見
嶺頭松霜明半含凍

綠山徑路窄登山天地廣蒲帆千片飛大江面如掌今日
東風和悔不滌江上

山陂晚禾割草木亦可寶沿山埽落葉薪爇換秔稻樵擔
未入城遠山客行早

雜樹編爲籬碎石堆爲牆朝行不離門種菜依南塘暮行

不閉門放牛眠東岡

山居人物清邨塢雞犬樂纖手摘園蔬嬋娟守窳約小兒
能高歌手拍老牛角

人畏冬山肅我愛冬山麗老木妍新霜淺紅透深翠潤以
淡水墨遙山抹松際

兩人輓一車一車坐孤客坐者貪曝背輓者汗四滴羨殺
驢背僧松風颺椶笠

小飲橋頭酒飽看倉頭竹

橋頭倉頭
皆地名

竹籬門不關風影半

身綠綠到枯槐根晚風響空曲

江頭不斷山山腰不斷楓衣裳染雲碧門巷鋪霞紅居人

淡然忘我乃行畫中

深潭不見龍怪石如犀牛牧兒敢鞭之皮裂猶昂頭慎勿
與虎鬪夜半驚龍湫

朝發別黃鵠暮宿攀黃龍

皆山名

吳月隨我來依依銜東峯

我起月亦行候我西山松

九岡十八窪

土人語

才到鍾山麓鍾山易識別氣象壯南服

昌時制龍虎誰問前朝鹿

鍾山前此尚有明故苑鹿云

燕子磯曉渡

江鴻叫雲開曉程山腳輭風吹霧晴華紋不動拂人喜水
天一色宜揚船金川門外酌杯酒回頭悵望煙嵐青燕子

飛來失廟算當時驍將惟一平五十萬人九江帥魏貅狂
布沿江營投鞭徑戴白帽渡驚濤不敢旬雷霆朝廷閒謀
敵愛子大儒謀國如書生但愁有殺叔父名卓侍郎策梗
不行江流屈折抱餘怒千百忠臣嗚咽聲

鑿江舟中題子履江行詩卷

太白不作青山吟君敢往題畫中景忠宣一去皖人悲君
卓詩筆如穹碑箸述等身志千古數十篇能泣風雨風雨
上天江倒流峭帆嘯咏驚龍虬黑夜然犀鬼物怒犀入君
舟化奇句君舟西來九華峯我舟適吳看九龍東西江水
一潮汐詩思清渾不相入惟有浮玉觀朝曦足與君詩供

吐吞雄心忽起續高唱打鼓正發黃天蕩

己丑年

沂州道中

峒嵒低似堞迴環石骨棱棱露薜斑行過邳城山漸潤濃
青一朵是蘭山

徒步奚奴汗未揩大車遲滯響雌雷書生不滿材官笑千
里飛章一騎來

沂水西來漲早春停輶打櫂碧粼粼蕭梢馬尾渡河去誰
是清閒風浴人

半城至青駝寺

半城亦非城避風姑小畱客試遡風語舌卷沙入喉
碎石爲道塗飛沙爲天地夕矣馬元黃欲跨青駝去

泰安道中

谷轉半峯開車鳴萬壑雷卷簾問梁父策蹇過徂徠雪盡
松陰合天清嶽色來披胸須絕頂一看海如杯

望嶽

馬頭青嶂插丹霄屹立東方控制遙齊魯中分南北望云
亭俯揖帝王朝踏來石磴皆天路吹到松聲似海潮誰識
閒飛雲一片能爲霖雨不崇朝

岱廟

千尋拔喬嶽雙闕對中峯號以天孫貴祿爲帝者宗宮城
擬丹鳳象緯配蒼龍鸞輅沿三代明堂壯九重典循漢唐

宋儀冠夏秋冬

聖世勤

巡省

奎章闡恪恭祇今

徽號上昭告總戎供

道光八年十一月上
九年正月登萊總兵奉

皇太后徽號
命祭告東

嶽

河海班差亞陰陽秀獨鍾馨香徧都會展謁乏仙筇京

國慚初赴名山喜乍逢柴車馳勝境野服雜山農欄楯思

迴步軒墀自斂容廊深百株樹殿迴一聲鐘隔海飛來石

階下有

當階特立松雲銜羣鳳日射萬芙蓉尙齒文方

習

時泰安府
舉鄉飲禮

升中禮必庸靈旗風雨會玉冊鬼神蹤北極

工能代東方化最醞神仙授真訣符瑞侈乾封史傳元夢

錯經生敢信從惟憑瞻仰肅默寫敬誠悰來日山阿道周
游好盪胸

濟南道中

祝柯遺蹟化榛蕪何況堯封舊版圖上藥我惟思扁鵲清
歌誰復繼繇駒風來班馬悲嘶遠沙起行人面目殊閒詠
濟南春好句澄鮮便擬泛明湖

黃邨

黃邨風物是通閬清曉都門午便還行過繚垣三數里一
聲鳴鹿日平山

奉題鍾仰山先生浮靑山館圖

道光九年先生爲奉天禮部侍郎將出關甯遠州
民遮道來迎以太公嘗爲州刺史故浮青山館者
州之道觀也先生幼嘗游觀中因爲之圖傳先世
之慈惠追童時之風景睹斯圖者孝愛豈弟之思
油然而生矣

萬松山色潤如滴琳宮紺宇襯山碧莫認名卿屬畫工文
采風流爲泉石陪京秩宗馳雕輪回思舊蔭甘棠春道旁
簇擁話先世都是曾歌五袴人朱幢玉勒影華組攬轡殷
勤問前部煉師騎鶴化爲仙公子停驂淚如雨指點浮青
道院開八驕重到埽莓苔丹房花木不忍折一半童年手

種來宦塗萬態等電掣世德千秋永不滅幽州雄鎮鑒無
閼此圖可與爭風烈江南吟客愛丹青搦管師門記典型
好將父老謚思意傳與封疆長吏聽

盧溝橋

長橋矗起對城樓橋外青山繞數周津路勢居畿甸要輪
蹄聲動古今愁斜陽黯黯人將別垂柳蕭蕭水急流我自
離亭半醺後吟鞭高舉過盧溝

趙北口

劃斷燕雲十六州可憐中國小金甌幽州豈是水窮處宋
使直疑天盡頭今日郊垌無戰馬涼宵鐙火有漁舟居民

猶憶

宸襟賜畫鷁回環繞

翠旂

純皇帝嘗於此張水嬉

雨行遣興

晝入雲陰暗寒生水氣新鶯花喧上國風雨送歸人瘦馬
偏宜路閒禽不戀春停車就麥飯田叟最相親

渟沱懷古

徑報冰堪渡將軍氣獨堅神功猶在後臣策已爭先大福
無危地精心善輓天艱難一麥飯細事莫同傳

項王墓

項王綜一生失德不勝數何以敗死餘睠懷獨在魯崛起
復好暴詎足比君父想當受封初愛惜新啓宇熏天烈燄

中一隅獨甘雨後降茲其繇義興從斯舉以公不以王葬
魯不葬楚匪徒遵義帝考行善區處我來弔榛蕪雷同羞
不語深思發此議片善合褻許

兗州

魯國頒車服尼山萃典型一州開聖域八表讓人文地接
徐揚水天浮海岱雲大河今改道農亦樂耕耘

孟廟

全用素王法直追神禹功七篇才命世羣聖道成終管晏
門牆外荀韓隳括中欲知浩然氣古柏振天風

過滕縣

孟氏爲滕謀助法劇詳備何以游齊梁獨不論井地迺知
土壤陜復古勢較易地大去古遠紛更必階厲菽粟如水
火聖人斯無事此非三年喪萬古不可廢不然七篇書禍
與周官類

秋日舟往吳門塗中感懷

悽悽復悽悽含悲出庭戶制淚憐老妻回頭痛長女

七月十七

日長女天逝

今春予北行女歸送爾父臨別語再三愁予道閒

苦今日子南征無爾話覩縷子仍一葉舟爾賸一坏土闔
家不忍說相對色慘沮柔腸痛欲斷迺更作羈旅問女如
有知幽明其悽楚

嬌兒甫十齡哭姊鬱肺肝晝繞父母曉夜寢那得安季女
質尤羸涕泗長汎瀾痛姊亦致疾嘔噦銜悲酸余如驚弓
禽惕惕防摧殘醫藥連日夕奔走形神殫漸喜有起色眠
熟能加餐割愛徑出門此心胡能寬天屬勞夢魂未關行
路難

吳門豈云遠計里祇七百況爲舊游地賞音多莫逆及茲
桂花敷江山勸幽屐詎知悲鬱餘游興減歡適斜陽城南
樓登舟已惻惻長川動晚煙旅恨與無極去冬亦獨游心
空境無窄今茲纔仲秋毛髮有寒色中年哀樂多擺落故
無策

春馳趙北馬秋打吳中櫂一歲幾風塵良友相慰勞佗人
爲予悲默省愈嗟悼骨肉變故中別緒悴形貌一身爲飢
驅迫若應徵召酸儒拙謀生豈不願耕釣客孤夜彌長東
日不可曜湖隄風草寒百蟲語相弔翹首廣陵城端居有
同調謂毛子喬彊解須臾愁握手一言笑

贈汪到渠

胥江素波和雨流聲聲併作梧宮秋穹窿絕頂不得望胸
堆百代詩人愁金尊壓愁夜無力一客談鋒破愁入聲華
滿眼眼無人五十年來但孤立到渠舊句聲華滿眼盡遠
然悠孤立何曾誤白頭鐘數聲曉曉烏登樓排闥誰大呼文章意氣古膠漆一日

不見思狂奴挂帆同聽江楓落
蟾窟月銀鐙繞山郭丈夫肝
膽濯清泉愛向九龍山下泊
酒壺泉湧莫停揮我到京江
便獨歸安得移家白沙上與
君終日坐清暉

歸舟遣興和儉卿韻

湖天一色似滄溟
況復高秋木葉零
行客自歌窮鳥賦
居人惟識養魚經
彊斟卮店新醅酒
嬾上河隄舊驛亭
何似閒身著書好
山房鐙火二更青

題霜鐙課讀圖

安東徐念劬年六十許六應禮部試被黜猶不已
於行詢之則念劬父少以苦讀致咯血疾仍手一

編血暴湧淋漓滿帙疾篤以帙付念劬母劉曰異
日示吾兒時念劬甫八月耳稍長入塾歸母課至
夜分念劬微倦母出所藏泣曰此汝父心血也念
劬大慟益自勵及爲博士弟子母已不及見十應
鄉試迺獲解今須鬢皤如蹠躄公車閒痛念先人
冀光大其德不敢以老謝也念劬旣爲母請旌於
朝竝述事畧繪圖徵詩按畧母侍夫疾刲左臂
和藥進姑疾復刲右臂進姑獲瘳嗚呼其可悲也
已因爲歌詩

燕山兀兀晨霜砭骨儒冠白首犯霜而走男兒文章不得

志慚我地下父母

解一

無謂一卷文譁天天亦愁父爲此心

血枯母爲此臂血流母臂血再流父疾獨不瘳母亦不及

待兒成立歸山邛孤兒嬖娒老矣回首馬鬣十圍松楸

解二

松楸蒼蒼春暉茫茫惟有丹青一幅垂虛堂續者母夜不

止讀者兒淚盈背倚者誰是兩姊鏤青霜白天如水當時

骨肉聚首蓬廬中今日并求此景不得仰天大叫安得皤

皤霜鬢復化爲兒童

解三

兒童不可復文章顯榮不可卜燕

之南日暉暉淮之東草萋萋與君落魄同來歸展君此圖

涕霑衣我亦少時含淚讀書孤兒

解四

送際華之任金華

瑤花抱天風飛入浙江東
筆珎雲霞杪琴彈山水中
詞臣望易塞循吏澤無窮
儒術此邦重懋哉兼聽聰

庚寅年

過沂州作

朝驅琅邪境午入琅邪城
王顏畱盛節祚覽眞臬卿
何況有臥龍戔戔三代英
過客起肅敬驅馬徒長征
志行曩不立功業何時成
白日去不息華髮來無情

望嶽示次兒

神州立巨鎮萬靈有歸宅
天孫青帝佐出震積仁德
偉哉造化秀發育此峻極
羣山來早朝雲氣相拱揖
雲散雨不

飛勢壓半天黑百里磅礴中草木勁而直呼兒誦孟氏魁
閼足相敵他文汝勿陳對此悉慚色觀山能養氣懦夫爲
壁立明復治春秋亦居茲山側名山大文配前賢後生式

任邛道中

去年過任邛沙飛人馬愁今年過任邛苦寒風颼颼三月
三十日瓊笠披重裘九十九淀聞何處堪嬉游沈憂令人
疾長桑不可求

縣有長桑君廟

飛鴻在天地道路無春秋安得邢

子才坐臥南山幽

題須芥菴桐華菴詩集

長安文章蓋天下入門下馬逢健者等是江南澹蕩人天

教竝坐論風雅吾徒悲歌宜入燕痛飲不得言無錢新詩
一卷綠陰底萬樹秋聲飛滿天擊劒拂衣聊復爾陽春晚
晚逝如水放筆駛於過海帆安得長風萬千里佗日名成
當自娛我老從君稱釣徒酒酣吹笛龍潭去散髮吳舫游
太湖

次韻題司馬文正公深衣小像

公自題云黃面霜須
細瘦身平生未識漫

相視居然不向市朝
住骨相天生林野人

黃面霜須笑我身敢將形似與公親半生嬾作市朝客薄
有情懷似古人

梁肉紛紛易失身評量史冊與誰親空齋曉起明窗下一

瓣香宜爲此人

送仰山先生滇南治獄

弼教分天職臨邊倚月卿五雲飛

太液

受命於海

萬里下

昆明遠徼黃華句

中朝淑問名知人

大君德薄海佇

刑清

閩越纔回權牂柯又駕車神全能命世

恩重敢安居藻

鏡憐才劇高齋受益初離懷滿南詔萬里盼雙魚

送徐健安之潼關

吾鄉才士互標暎徐侯志大氣凝定龍虎六韜修古學河

山四塞揚新令我昔夢游潼谷關

予十九歲有夢游華嶽詩

太華插天

河劈山送君快馬長鞭去真在三峯四扇閒愛君風義兼
文武酒酣燕市豁胸府短韻羞爲曹景宗雅歌直作祭征
虜雉尾雲開別玉墀黑頭大可建牙旗明星玉女開窗
見寄我驚人謝朓詩

健安招集卽席再賦

九陌香塵接鳳城百花風定按鸞笙鞭梢秦國黃河曲
栢底燕山白日明絲竹場寬愁遁跡鄉關人聚語多情新
詩自向芳筵唱不願旗亭負盛名

直西全陝是神皋盛世無庸鎖鑰牢名將風流親翰墨
雄關雲物照弓刀雞鳴野色黃河曉馬踏寒空太華高佗

日騎驢尋舊夢卸裝先要酌蒲桃

寄懷魯通甫

時態汨舊學古風挺英少筆落長飊興銀濤裏壺嶠九天
煙霧分海碧月照耀一鶴摩月飛毛豐骨奇峭丰采雲樹
遙南望獨舒嘯

九衢袞沙塵揮汗叱馬走何似煙波涼行歌閒拍手竹日
滿漁舟蒲風上隄柳一見交披胸三載別搔首安得古梅
下淋離百榼酒

通甫工
畫梅

病中集陶

東方有一士白日掩荆扉臥起弄書琴登高賦新詩卽事

多所欣觴至輒傾杯靈府長獨閒情隨萬化遺僊俛四十
年懷此貞秀姿忠情謬獲露遺贈豈虛來撫劒獨行游愧
我非韓才投策命晨裝束帶候鳴雞羈鳥思舊林離鷗鳴
清池道路迴且長惻愴多所悲我實幽居士叩門拙言辭
一世皆尙同孤雲獨無依彈冠乘通津未足爲高樓雷同
其譽毀念此懷悲悽量力守故轍計議初無虧稱心固爲
好違已詎非迷行行失故路還坐更自思仲春邁時雨已
興家人辭蕤賓五月中我行淹已彌素襟不可易時駛不
可稽冉冉星氣流寒暑日相推賢邈早已白弱質與運類
肌膚不復實何爲淹在茲厚恩固難忘冥報以相貽多年

逝已老四體誠迺疲覺悟當念還其事未云乖古來功名
士旋駕悵遲遲歲月不待人奄忽靡歸期達人解其會縱
心復何疑行止千萬端請從余所之園田日夢想慷慨思
南歸草廬寄窮巷豈不寒與飢所懼非飢寒在昔余多師
且復從黃綺孰敢慕甘肥采芑足朝餐好味止園葵嘉穠
養南疇茅茨已就治養真衡茅下戮力東林隈草木縱橫
舒閒雨紛微微弱子戲我側言笑無厭時親戚共一室一
觴聊可揮壺漿勞近鄰日夕歡相持相見無雜言相思則
披衣此事真復樂但使願無違吁嗟身後名千載非所知

夏夜與芥菴論詩

詩教二千載同術異所嗜快哉同舍生
百家析興替一笑我獨學投合若左契
六代陶靖節孤高貌一世三唐杜文貞
彝倫輔六藝岱華立我前眾山特隨侍
足力卽不達佗塗必謹避此事視心骨
了不仗辭氣奇巧百工悅容猛萬夫畏
索索天趣希久讀必引睡鴻鈞數卉木
一葉一天地夫豈雕刻成屑屑鬬姿媚
我言太冥寂廿年被時棄君聞復鼓掌
高歌取適意挑鐙兩忘言游心遠天際

寓齋觀射東岳兼山須芥菴

射法節禮樂教士德純固又可達陽氣
志體日寬裕髻毗誦射儀詰屈古章句
決遂中乏豐按圖索依據逝者三十

年穀率昧如故矯矯雲麓人

兼山號雲麓山人

文采擅豪素曾綰

射聲符期門直

禁籞三垞與九和相材寡謬誤閒居尙

走馬壯色鼻頭露炎歊射堂開甓械張畫布簫臂課弟子

奇純核寶御撻無司徒扑鱗似周禮曠日朗孤酌圓風疾

飛矢注先聲餓鳴出餘勢伏虎怒手弓玉關西萬里羌可

護分曹爲酒貲迷中趣治具桐菴客游學

芥菴號桐花菴侍者

及物

協矩度白葛束緇帶健若韋跼鞋視蝨成一輪達犀必七

屬南人非偏柔我孱守殘蠹壯游虛桑蓬入貢慚箇簪三

耦韞腹收登筵但飲飫幽燕多獵場豪士風雲路縱不關

六鈞淺草殺狐兔宜求竹枝弓射鵬向閒處何爲患鉤撥

堵牆漫依附騰觚急自罰無材答燕譽惟寘甕牖底搜奇
說皮樹

寄露滋

幽人愛池館高坐養心理春風酒一桮百慮爲君洗東城

葦閒屋

春日酒閒示所藏葦閒書屋冊子

性澹物清美故人臥長安澹澹

夢煙水

夢醒月挂樹涼風振庭柯晝豈謝物擾夜來清氣多少不
策勛名老至愁關河霜菊知己開何時偕醉歌

寄壽亦僑丈

驅馬向京雒接軫對英儔踰踰貴人門飛轡疊追趁笑我

涉世迂六翮不奮迅無惑巖穴中霜色上兩鬢詎識我所
尊迺更有先進迂論十倍我被褐久懷瑾提槩六十年大
力開文陣跌盪詩酒場溫顏斂也刃推之勢利塗峭壁忽
千仞百詐環而攻甲冑一忠信委心與天游春氣似髭鬣
豈不解速飛圭組耀光潤古骨非脂韋犖确不可磷蒲輪
登巖廊澆俗必丕振坐老南澗濱飢寒怯荒饑廚煙朝不
升汲古快深濬風霜數閉屋牆宇立重峻吾鄉遺老稀茲
作彝鼎鎮後生嘲其拙制事滋不順愛我折輩行侍坐滌
鄙吝行地考輪轅司天析歷閏贈我手抄書象緯訂及車
制圖說二種
行篋當餽贐街塵壓冠纓懷哉隔芳訊黃花九裘筵壽畢

遠難醕郵詩攄肺肝激切豈阿徇里巷迂如翁眾口積排
擯公然壽且康百行泯瑕釁此閒屬耳目高車佩金印多
謝諸少年

成句

迂儒規爲瑱願作臃腫松不爲朝華薺

題周倬雲詩集

黃沙捲窗劫劈面削翠岫夜寒瓶凍裂照眼雜花秀鐙右
一詩冊異象倉卒構擬之醫者針豪芒洞膚腠忽如龍門
鑿一綫走河湟當其精力到直欲霹靂鬪電出鬼又入陰
森怖童幼近人爲雞尸名立快馳驟馬怒不受韁弓弱豈
至穀戒險適得庸急取此冊救所憎文傷命山木等自寇
古之長爪生歐心不克壽君愈苦榛棘年位兩弗就荒寒

聚悲嘯欲讀涕霑袖感此睇千載才士見獨謬鐫鐫厥賢
肝昔遁不一漏下縷九仞泉高攀四七宿錚錚卷中名萬
目託宏富豈潤死後身敗草久入樞廼知此餘事達生謝
研究頽然鞋兩耳詞場忍訶詬興來一長鳴否卽鳥抱伏
太空雲卷舒俯仰極高厚

題春獵圖

幽州莽蒼古獵場秋山鬱鬱秋雲黃春田百倍富景色風
輒不礙琫弓彊貂裘一脫攬絲鞢楊葉新生矢百中萬點
桃花傍馬來紅綴春旗露華重牙旗舒舒狐兔逃半空叉
族纏風毛青骹韓盧逐回旆酒車春色酣蒲桃吾輩嬉春

何足數騎馬京華怯沙雨縱使攜柑聽早鶯何如插羽禽

雕虎將軍麟孫今英儒

謂伊
猗君

高詞學學凌九衢佗年珥筆

扈 秋獮更寫天山大獵圖

聽芥菴夜誦孟子

文章古殊塗家自詡深造本非嬾昔人乃各一奧竈此都
幾英杰紛出樹旗纛君獨空所有返本削形貌醇乎醇七
篇痛讀領其要下視秦漢人眾作尙蟬噪論文太孤絕希
世必弗肖未能脫訾訾何況冀光耀淮南山澤癯拍手同
嗜好鐙前兩童蒙矻矻真自笑

奉懷仰山先生

輶車遠采百蠻風
溟海黔山化雨中
木落衡湘纔入楚
霜清河洛又登嵩
九州指顧輪蹄徧
一路歡歌岸獄空
輦下羣才翹足望
歸來啓事有山公

新佐吏部

冬夜醉中與芥菴

翦燭話清夜
舉杯來遠春
寸心畱古義
雙耳過時人
慘淡千秋業
飛揚九陌塵
霜中攜手望
冬月最精神

哭蓉湖舅氏

朔風滿燕山
爲客少歡趣
長吟睠故鄉
交親杳煙樹
舅氏老且貧
私心代煎慮
暫離尙淒顏
何況棄我去
噩耗驚旅人
雙淚疾如注
二月淮水生
同舟溯東路
聞我將北行
笑

言減悅念茅齋數升酒舊事勉絮絮上已餞別詩行篋忍
回顧如何病已脫倉卒頓問訃舅也澹蕩懷豈竟以貧故
反覆心煩勞痛極冀疑誤憶昔舅婚媾我時尙童孺二年
皋廡鄰伯舅亦旅寓兩舅偕一甥日夕展良晤相從曠野
中雲鳥伴閒步或騁曲室談窗雞報天曙乙酉秋渡江伯
舅棄我遽歸時空憑棺含涕送入墓今我又遠游舅復先
朝露靈帷不得奠窀穸恐已厝傷哉心膺摧斂葬兩弟與
更愁門祚薄羣穉失訓護遺詩堆滿家誰爲播芳譽古節
淩風騷陋巷罕知遇遙憐破屋下灰塵壓縹素念茲神益
傷獨立怯衰暮幽幽望河淮歸舟幾時渡詩魂入我夢鄰

鐘恨驚磨挑鋌揮枯豪號呼向天譁

奉題仰山先生聽松圖

奎星之精下蒼穹化爲喬嶽千年松礪柯奇骨聳雲表世
惟此樹含天風高柯手種廣苴蔭磐石坐聽披心胸初聽
琴弦細敲雨漸聽萬壑酣笙鐘聽久月上怒濤定鳳尾纒
纒摩虛空又如羣僊會瑤闕鶴聲吹過吟鸞龍百圍遠籟
見根柢扶持正直神靈功上爲明堂植隆棟下爲邃谷回
嚴冬何忍山中作宰相小樓獨聽潛幽蹤平生哦松詩興
濃輿曩有撫松圖亦思質幹堅初終青蒿依倚愧不稱惟師節與
貞松同閩越滇黔歷萬里奇材澗底憐霜封采歸堯廷

三
一
作貢獻八荒逖聽襄天工青林處士拔淹滯重臣標格邛
山崇歲寒展圖酌酒祝如松歲歲無衰容須知寰海更傾
耳早符瑞夢爲三公

題承玉菴大令詩冊

陶韋畱一脈耳熟法梧門之子近來秀斯文品格尊晴雲
高不落寒水靜無痕余亦動遐想空山木葉村

冬夜讀書效后山體

輦下占高隱卷中成故鄉虛窗邃古塞短燭寸心長骨老
不騏驎聲和誰鳳皇勝流慵抗手提槩惜年光

寒餓陳夫子都門日抱經清風振塵盞皓首惕儀型異地

今殘臘遙空作客星天教垂五字燕坐接精靈

歲暮酬方雲壑兼寄祝炎洲

年華逼愁思關塞入蒼茫雪點樓臺白沙飛天地黃鵠花

負三月老雨過重陽

雲壑送春詩重陽詩皆爲憶余作

還羨循陔子椒盤

上北堂

皇天厚吾黨憂患鍊心身去住總持拙文章休逐貧劒花

寒得氣詩骨困通神爲問祝希哲索逋今幾人

希哲每以索責者累

累隨行爲樂假此戲炎洲

讀錢仲文題玉山邨叟壁詩愛而和之

畫省羣公在閒房萬慮沈天涯歲華暮夢裏故山深澗水

白雲氣人家芳樹陰耕犁傍眠犢漁艇立歸禽寒月共千
里梅花知半林長安畱孟六空有鹿門心

除夕和韻三首

王西樵先生有除夕三詠一和杜公杜位宅守歲
韻一和戴叔倫除夜宿石頭驛韻一和羅隱除夕
韻道光庚寅寓少宰先生宅度歲亦和三律以遣
旅懷

廿載值今夕題詩就燭花青莖深泛螳粉壁醉塗鴉風味
羈人乍星河故國斜呼兒伴尊酒勉力忘天涯

不畏家山遠幸於知己親真慚出羣士古有報恩人鬱塞

雲霞氣迂疏巖穴身終爲老梅樹寒瘦據陽春
惻惻小兒女屠蘇定嬾傾柴門頻北望話我到深更離別
事原細功名氣何平勞勞頭枉白出處未分明

養一齋集卷之五

山陽潘德輿彥輔

辛卯年

寄到渠

昨宵入我夢今日寄君書
南北二千里渾如一室居
遙知江渚上燕坐落花餘
忽憶攝山約秋鐘滿太虛

寄張詠仙

小窗寄高枕忽到滄浪亭
亭外百尺樹清風吹夢醒
獨酌燕市酒不見吳山青
愛君足鰕菜葑上多漁汀

送芥菴之蘭陽

酌酒復酌酒新知成故知文章愛返古性命與論詩小別
落花際荒城匹馬遲燕山好登眺憶我坐愁時

寄和鏡渠

孟夏開戶牖清風被喬木此時執一卷萬古豁心目斯須
高車來巾帶苦鈴束吐辭非本懷周防慮俊觸遙羨君邨
居語默隨所欲昨日寄我詩過我舊茅屋我屋何所有芭
蕉蔽窗綠屋中何所營兩兒日誦讀嬌兒頻憶耶聞之矚
屢蹙秋風卽命駕歸期弗改卜翁老披青囊兒小騎黃犢
窗下一榻懸君來畱信宿

慧裕亭儀部席上賦贈文小洲大令用昌黎山石韻

羣才迭起中聲微乘風豪翰爭翻飛怒逞骨力學鷹隼不
則竄囿山雌肥詞氣力與宋元角漢魏滅沒唐依稀直將
詩作飾觀具如列鼎俎非療饑我來京華斂禿筆得閒愛
叩詞人扉華筵英妙論獨出半空玉屑飄霏霏苦心憐才
老成度長城孰敢偏師圍名山巨子幾輩去未窺正法難
傳衣知君少壯氣邁上天馬豈受人閒轡持栢仰天各大
笑古無騷雅疇依歸

贈徐廉峰太史卽題其壺園詩冊

五百里具區大波齊崑山卅六峰天都峭壁蟠新安

君崑山籍

新安人

壺園匯靈氣胸藏幾山淵謂詩胎虞夏大備周漢閒

何忍後死者甘逐時世妍雷紋九牧鼎嚴重不可干金翠
飾女子怯此神光寒江淮有瞽儒枕經長閉關妄欲奮一
臂作柱回傾瀾逢君三歎息吾其可息肩卻願返蓬茅襄
羊海東天

風雅羣作者名姓難盡數赤舄訂樂章人我亦無擇詩教
至廣大名心實荆棘悲喜準百代忘我乃自立僕病臥長
安日不見堂闕窗雨凝食蟬斷紙一掇拾歡遇兩舊手和
宋氏大樽學古集牧牛邨舍外集最爲雅音 風骨挺百尺
興化顧氏仙根藕怡詩鈔紀荒詩畧次之 結志歸先民至近不烜赫用名第詩品斯人有慚色念君
蓄真鑒眾才荷繩尺論古同一心獻此備蒐輯

奉懷仰山先生蘭陽

鳳皇立高岡豈復知唼嚙松柏挺峻厓豈可爲柔條瓊樓
觀絳雲映日舒丹霄偶然任微風大漠垂飄蕭斗室看長
劍光逐星辰搖已出夫襁中斂采猶在腰道大有伸屈志
確無榮凋古色照我心激昂發長謠

北望松亭關秦城高且長東登紫蓋峰天色浮青蒼胸次
萬萬古何處容悲涼朝坐松石閒清風蕭衣裳雙槐午日
明指賓升射堂羣山抱燕寢真氣蟠肝腸我夢策馬去鄰
鐘殷我牀嶺雲東北來浩蕩遙相望

酌酒海棠下春風靜可挹酒罷起送春滿堂別離色離合

瑣細事功業貴早立征夫懷故鄉捍患愧無策長淮浪春
天危隄豈金石萬竈熬白波海王缺供給側身大賢門經
濟苦未習攬鏡多霜毛何才慰家國

題湯海秋儀部浮邱閣詩集

泥塵沒踝門衙窄興來拓此爲八極三梧俯仰天地清一
卷蒼涼鬼神入疾如風雨喧靈湫太陰黑蜃升雲頭雷公
合沓伐大鼓木怪潛匿山精愁靜如寒江轉孤月浩漫珠
光搖貝闕危磯掘水水忽怒一綫驚濤百回折煌煌京洛
開朱門蹙驢破帽多才人孤寒奇憤塞胸臆欲假君筆歆
酸辛君方少壯擁章綬容臺禮樂俱討論悲歌擊劍問何

事但貴雅拜儀溫文挑鐙三復奮起舞知君感激爲萬古
詩壇大義久頽墮健者今生必韓杜眼含雙淚懷庭闈手
剔羣家奉鄒魯浮沈郎署士有命何可修容媚公府鐙光
煜煜雄雞鳴我劍在壁亦有聲無君才筆合草莽愛君篤
誠如弟兄我不願君煙霞氣浮邱老僊眞把袂亦不願君
山水癖桃花江上弄泉石巨儒吐辭如洪鐘要鑄寶鼎銘
殊功後生讀史記名姓不在區區文苑中

醉歌

君不知田家樂谿田茅屋忍拋卻君不聞行路難嶄巖峻
阪來登攀朝觀閭闔雲霞中身無羽翼乘天風暮飲燕市

一斗酒恩怨須臾翻覆手炎曦著人色如血極苦人間是
趨熱一雨斗作深秋涼可憐客子單衣裳醒亦不須愁醉
亦不必歌長林邃谷不歸去市虎磨牙將柰何

贈徐鏡谿水部

萬族紛有營嗟我溺文史竭精不適用賤不如衆技冥行
數十年蹙蹙未知止猶冀鉛槧間名字永不死鑄鏡忘自
照豈不集詬訾願訪直諫人藥此妄庸子

雅詒幾精靈倉卒招不回毀譽如海沸掩耳猶沓來車馬
送英聲百世文章裁君平能端居穆穆韜其才山嶽隔雲
龍追逐乘風雷一室密坐我相勸酬深杯

贈張亨甫

天馬下西極雲鵬起北溟詩人此神力平地走雷霆萬物
務纖密百家誰典型憑君壓羣響駭雅奉遺經

長風吹積霧浩蕩七閩開雙腳半天下何人薦此才良田
荒海嶠短策上金臺醉看龍文劍悲歌日幾回

題亨甫博陵秋眺卷子

重關炭嶺石龍從邊風撲城城欲動萬古戰場九秋色晚
笳吹入寒煙重客子何方來百丈嶺上無諸臺海天低溼
不稱意策馬到此胸襟開登城橫覽勿弔古弔古悲酸淚
如雨君不見長驅入齊之樂毅沈舟救趙之項羽奇功不

就歸山邨瘦日沈沈下平楚何況區區蠡吾王豪華迅疾
如電光將軍金戈陷古墓疆藩玉帛燒枯桑荆冠高筑匹
夫勇不若酒徒有酒居高陽酒桮一舉愁雲埽人間萬事
飛鳥跡黃沙平壓秋城尖老木寒鴉暮無食勸君莫賦君
四愁哀怨頻登王粲樓亦莫蕭慘訊紫荊激昂談白溝何
不百花嶼上學垂釣臨漪亭畔操輕舟滿天秋色獨吟嘯
浮沈任意爲沙鷗

答海秋

楚國有奇士山陽有詩叟

海秋集以楚國有奇士爲首標篇近又作山陽詩叟歌見贈標

題似狂怪考義蘊樞紐士不奇不直詩不叟不厚憚奇必

嬖嬰未叟易惑誘詩壇豎此義議論足持久恨我負子言
著作類速朽直愁千載下斷爛難覆瓿須眉徒爾長胸腹
寡所受束髮拜聖經仰爲百家母頗願活萬物乾坤轉隻
手志廣力不隨四十臥隴畝去年京國游六籍賤餬口今
年憺將歸蜷屈墊舊牖勞勞天上鴻蕭蕭道邊柳問我疲
風塵落落奚抱負我拙不能答惻愴默搔首湯子汝何人
傾寫忘老醜聽我雄論詩掉舌供縱酒公然笑時彥屈指
誰是拇自向虹蜺竅猛作蛟龍吼幸不被嘲罵乃更辱采
取心知肝膽間投合極不苟方今 聖御世衆材萃薪槁
良臣貴正直庶政惡秕莠內欲顯吾親上必報我 后詞

章身之餘何足互繩糾我年稍子先我才實子後惟引古
經義奮筆爲子剖杜韓固突兀雅頌尤山阜望文疑專門
萬象靡不有所夕虔受訓儼對諸父舅厥心大有得世事
十了九能扶地上身舉之高北斗子試校羣言如射孰敢
耦楚國本奧區在昔奇士數賈誼蔣琬倫皆子遠師友山
陽枚叟者名但以詩壽我尙慚後塵矧克出其右高談面
有泚深省內含垢所恃語忠實樸若振土缶嗟哉市道交
白雲忽蒼狗述古羅青箱結念注紫綬縹緲多于麻文藻
飾奔走我亦楚國士兩士交豈偶俗情永戒諸茲盟勒尊

卣

題孔生繼鏢詩後

詩教有坦塗誤者非奇衰乃由方寸閒愛逐纖與夸博覽
近賢作名盛彌多瑕志不在澹泊吐辭必芳華詎知外盡
飾厥中如敗瓜詩實世元氣何爲爭豪奢言語系學術其
患殊無涯君年甫及壯瀕海居幽遐發憤據正始俗音不
敢譁我老入京邑持論徒槎枒孤蹤快同志翻覺難褒嘉
願君養詩心濟世如桑麻肯與竝世人鬪豔風中花

夏日塵定軒中取近人詩集縱觀之戲爲絕句

清簾疏簾插架詩閒中評泊當師資如何六十年來客獨
數卑官宋左彝

蔣袁王趙一成家六義頽然付狹邪稍喜清容有詩骨飄
流不盡作風花

臺閣名卿一範模江湖名士衆繁蕪清寒惜抱軒中叟遽
把雄才讓海愚

梧門瀟灑五言中王孟門庭結體工可以前脩夢文子銀
潢屈曲涌天風

洪黃鬱律跨孫張畢竟規裁讓兩當休訝斯人不四十一
生惟要奏清商

西陂敬業同宗派未說義眉蓋九州一自蘇龕有衣鉢人
間溝水亦橫流

山左何人繼宋王十桐兄弟擅詞場傳鐙弟子多英雋樸
學誰能似理堂

楚士交推張度西宦游南北富箋題妙年欲躡青蓮後豪
氣翻教白首低

倬雲鑱刻未天然辛苦霜風賸一編卻恨藕怡抱真趣老
來渾漫與詩篇

剛柔會合得中聲正味楞伽總失平邗上才人愛壇坫題
襟猶自說南城

震疊聲名未是才縹緗巨帙手慵開簪纓縞紵鋪陳偏又
數唐碑漢碣來

願作詩人即可憐紛紛過眼況雲煙蔚宗目睫真名論我亦耽吟三十年

月下對酒懷芥菴

海風起東極吹月入長城不送故人至碧天空自明遙知四山裏詩挾萬松聲可識獨吟客銜杯無限情

送姚石甫大令之江蘇

賈生非鼂袁論治天下才阮公豈應劉作詩惟詠懷君早登天衢合與夔龍偕風塵三十年作令浮江淮古人重天職俗吏言高卑讀書宰百里澤物侔三台

東南財賦區富庶稱在昔鹽筴近凋敝水患況增劇昨日

家報書惡浪撼洪澤下流數百里江湖恐已一閩海有神
君嚮爲福建縣令有政聲幸蒞我鄉國我讀所著書字字已飢渴往
勿吝讜言南邦資衽席

夏晚獨坐奉懷仰山先生

炎氛累晦朔素秋何不來振衣思天風灑落被九垓能使
煩鬱心豁然山川開東望滄海空涼颿動蓬萊我師抱清
德氣象同悠哉晝戟明露華一樽當追陪今夕不可見星
漢長裴回

處世各異情喧寂視所著酷暑閤然坐寸心斂清肅恍若
城市中插腳得崖谷斧鑿太古冰攬之入幽獨炎涼褒袞

盡乃見真化育從師味道根
夜氣靜可復遙憶萬山深
風濤定松屋

月下飲雙槐軒同孔生作

客心有明月靜夜自生照
蒼蒼雲霧中無影得月妙
斗閒月又來心月兩相耀
取酒澆澹之天光徹萬竅
遠風飄我襟如坐碧海嶠
鶴背一長想千年幾同調

古人不盡死靈氣蟠虛空
時與好月光落吾酒杯中
吾黨二三子詩酒皆俊雄
手招故鄉月挂此雙槐東
更鍊萬古色得句懸蒼穹
俯仰造化寬何物爲窮通

題潘湫泉中翰長風萬里圖

東南巨浸誰澹哉 聖世正需舟楫材吾家印川亦浙產
巍然治績垂江淮古人用世貴援溺不爲乘風快胸臆知
君行止獨任天且住沙頭看山色

秋夜就吳丈鞠通飲

秋陰曖西陸萬籟騰商聲黃塵起通衢誰與宣精誠我鄉
有高士觀物提鑑衡入世蓄真氣七十如孩嬰感愴民瘡
痍血淚相和傾鞠通聞東南數省大水民死無數爲之痛哭咯血熱心抱古痛豈
曰身命輕我聞三大息位賤猶怍怍

飲酒亦何好不飲彌味長道淺愁自多假酒伸迴腸嵇阮
豈酒徒悲時親醉鄉此卽根柢疏所學難升堂讀書數十

年豈師晉士狂歲月苦不居世事真難量丈人勿幽憂月
上姑傾觴

將之蘭陽出朝陽門作

青山對郭門出郭氣先爽秋雨昨夜過白雲尙來往頻年
車馬塵假此一滌盪

將車避石路谷暗人家在屋角葦花風蕭蕭拂行李不聽
漁家歌吾心已江海

通州

春秋兩送客今日獨停車山過范陽北城臨潞水斜長川
洗馬足疏柳靜人家東望近滄海雲霞欲汎槎

官陌連畿輔重城繞潞河析津嚴築鑰珠浦舊弦歌候館
帆檣熟天儲棨戟多南瞻財賦地歲事近如何

薊州道中

雞鳴遠夢轉雨聲在窗戶櫟止雨亦歇留人起視馬策馬
入雲氣羣山半吞吐僕怨行呻吟農喜出邨塢

西山接太行盤山分五臺山首枕河曲山尾拂海隈如龍
抱京邑天府千秋開德茂鬱佳氣匪恃形崔嵬形勢古可
據古人安在哉

朝望盤山雲午望盤山雲人馬午漸飢鞭指山腰村村市
聚炊煙靄靄招行人看山豈不飽空腹神弗親大息世上

事本計惟饗飧

薊州

薊州古尙武幽絕似巖阿城郭山形合人家雲氣多
檣書定消蝕桂樹好摩挲欲訪廣成去養生衣薜蘿

誰家社稷臣舊宅可能存不解守金匱翻知讀魯論
浮雲一朝過信史幾人尊立馬薊門外青山笑不言

赴蘭陽謁仰山先生告別

讀史談知己激昂雙涕流此恩今日受垂老若爲酬
國士愧千載京華虛再游薊雲遮別路欲去更回頭

萬山青合沓中有射堂開夫子跡偶寄酒徒歌莫哀
清談

泥華燭離緒貯深杯此後江南夢隨風總北來

車馬俱探勝林泉勸舉觴

晉謁次日駕車行十餘里游福泉寺浴於湯泉流觴曲水沈醉

乃高情王內史遺蹟城南塘

寺有歐武毅碑地擅幽燕絕人容風

浴狂五峰游未徧茲樂已難忘

飢溺非吾拯歸歟合課耕貧家無百畝淮水逼孤城寥落

憑天意升沈埽世情與師崇晚節松柏永堅貞

九日登黑窯廠

天風浪浪吹我懷此臺不可無此杯半城草樹夕陽合萬

古幽燕秋色來前輩銷沈賸詩句白雲空闊拋塵埃 郊

壇咫尺

玉關近誰是蒼生霖雨才

十三夜與沈小庾孔生繼鑠置酒聯句題淮安邸舍

倦鳥更移樹

是日子由內城移此

閒雲猶在天歸懷極俯仰酒伴小

流連作計有來日當歌感壯年好看梧底月已是故鄉圓

畱別宗貽宗佑兄弟

高齋一尊酒持餞南歸人南歸夫何爲婚嫁當誼辰佗人

佇射策 殿廷抒經綸朋至予轉歸毋乃兒女仁行行豈

獲已百拙由一貧不爾二千里何必勞雙輪雙輪迅將發

一尊彌足珍舉觴屬吾友聽此言辭諄兩世爲師弟此誼

殊常倫兩年同一堂藹藹情如新感子昆弟厚憐子昆弟

真執務習已除儒術求精醇讀書夫何爲非爲登要津內

始於事親外迄於治民事親無遠近其要怡親神治民無
崇卑其要安民身此語知匪艱艱於常遵循今年應秋賦
可充觀國賓爾得大歡喜一失毋恚嘆豈有子昆弟雲路
愁逡巡所貴飽經訓佗日爲良臣如我將半百增蹉侔凡
鱗蠢蠢自嗤鄙人笑非無因可憐兩禿鬢徒能耐風塵明
年隨雁來復看長安春明年脫不來越歲走踈踈會面旣
不遙絮語何煩陳贈處實古義芻蕘猶可詢願察區區懷
不足書之紳

奉別黃樹齋先生

孤竹生嶰巖伶倫采其音瘦鶴入遙空偶陪丹鳳吟竹材

感知己根在滄江潯鶴見秋鴻飛憺然歸故林志氣一朝
洽風煙豈愁深浩浩千萬里相思通瑤琴

文章與氣運百代共樞紐視文與政殊識短言自苟夫子
續騷雅片語必持久前席與有聞敢落漢唐後論文亦報
國潛見貴無負但冀茲義明何妨寄隴畝

廉峰席上畱別亭甫

四海幾詩客蒼涼此別筵流民滿吳楚歸計失園田世待
真才救爾空佳句傳西山抱琴去高臥早寒天

出彭儀門作

都亭三爵罷一客指余說何哉客久居倉卒向巖穴此事

無奧義但以我爲悅情來命車駕興盡卽迴轍君觀西山
雲時或度城闕雲心不自知隨鳥去林樾

琉璃河

前年過此河冰結如琉璃十步九欲跌邛嶺等嶽奇去年
首夏來白雨垂銀絲橋石滑于玉亦復防傾危今年值秋
爽愛此塗坦夷但恨聖泉薄塵土交迷離我思畿輔地水
乏田難治大吏重農桑溝洫其綱維佛家功德水無實名
奚裨卽看此河潤百里承恩施道園水利議千載類可推
守土善厥職過客吁何辭

涿州弔漢昭烈

湯桓學伊管此風邈雲漢師道解不立治法日渙散堂堂
漢昭烈受教抑氣岸能求諸葛公由師盧子幹少若惜大
儒老靡股肱贊帝王重興學伊傅理一貫光武游學時經
術亦潛玩孫曹彼何師願指氣惜慢宜以僭竊終春秋書
賊亂

白溝河

霜重馬毛縮征人望白溝深邨初上日曠野古來秋燕趙
捉封蹟遼金戰壘愁 清時磨洗盡煙樹擁 皇州

大風過雄縣

羣馬怒嘶去秋風萬里聲寒生上谷郡沙捲易陽城地闊

草全白雲開晝未晴蒼蒼葭葦外辛苦雁南征

夜過趙北口

當年設險分燕趙十二橋連此水濱可惜朱欄涼月上漁舟歸去更無人

河閒懷劉文房

獨立開元際隨州萬古名終身誰隻句此老信長城猶有龍鍾感難忘搖落情青袍原易誤我亦舊儒生

河閒夜發

塗長行欲速夜黑漫馳驚周行示無人罔罔犯霜露此與論治同軌轍貴無誤淳淳兩漢俗經術使惇裕挾書律雖

除六籍苦未具武帝能表章獻王導先路毛董兩鉅儒脩
學首依附靡然多士從由此章百度周孔有功臣炎漢立
矩矱一代風會開此眞夜行炬乃知旂常績不必勝縹緲
我從千載下大息式邛墓兩廡古未列守冢問幾戶欲讀
道旁碑荆榛莽迴互

明鏡上孔道高下何陂陀恐是古隄岸神禹茲疏河河伯
一朝徙河患千秋多展轉二千里淮泗爲其家改道固天
意吾鄉民柰何不敢導之北漕艘資洪波利大害彌迫赤
子鄰蛟龍此邦得平土白壤紛桑麻轉患畎澮希不足滋
嘉禾司空度地勢調劑宜無頗興利與澹哉南北原殊科

水衡萬萬錢用乃非泥沙禹蹟遠難復賈策遵亦訛鄉愁
發靜夜行役空悲歌

景州弔周亞夫

貔貅十萬巖疆屯不知天子知將軍脫有大事此可屬君
家世用安劉勲七國洶洶漢將圯何惜梁王一驕子堅壁
不動讒言來軍中不死獄中死人臣守義不奉詔社稷無
虞身可弔文景由來寬忍殊許負豈真能鑒貌吁嗟乎鼂
錯剋核稱智囊長城自壞猶堪傷條侯若得輔少主麟閣
何緣首霍光

恩縣道中

朝其浮雲馳暮不隨鳥住此心與漳水日夜向南去
勞勞薊北人裊裊漳南柳不見今三年柳似人衰否
荷衰無全葉藕衰無斷絲玉質寒水中纏絲君不知

塗次贈孔生

桂樹冬能榮蠹實生其閒何況秋芙蓉霜落無鮮妍矯矯
孔氏子高門冠人寰論古好風節時無此少年俯仰漢迄
明名士衡賢姦虛我啖虛譽忠厚贈我言生死去就際意
慤詞慤然山林與鐘鼎我皆非其人顛毛已種種愧子墟
肺肝肺肝子當吐骨性吾當完每願麻扶蓬或者茅化荃
桃李俗投報助哉松心堅

在平懷馬賓王

衡才慎勿衡窮通馬生落魄真英雄賈誼不作王猛死此
才雅有前賢風儒官棄去等敝蹤少年縱飲如渴虹十八
學士數不到意氣欲跨房梁公君臣契合自天定常何敢
矜推轂功數年徒步致台鉉頗由貧賤相磨攻醇醪一斗
不濯足胸次鬱塊安能空酒醒跋履出門去斷無市媪知
深衷世閒不少鳶肩客日日風塵逆旅中

在平夜發

天光夜氣靜如此馬足雞聲太不閒自覺心情甘道路爲
從飄泊就家山風霜旅鬢二年裏南北程期十日閒

由在平至

淮上凡十日程早語兒童多時菊新醅滿甕遲余還

九月晦日塗中卽目疊前韻

飽嘗驛路風塵味絕愛邨居雞犬閒沃野西連齊右郡遙
天南入濟陰山佗鄉百慮三秋杪垂老孤懷十畝閒手扣
一鞭雲外指故園人其小春還

是日東阿大橋待渡再疊前韻

東阿水自東平下大似江鄉景物閒野艇移來秋草岸
人歸去夕陽山關河莽蒼愁何極雲木空明戀此閒卻話
興梁不修復石邊惟有片鷗還

過三歸臺

霸術原羞稱論世必稽古臺門在管氏禮家嚴弗許三歸
譏臺門塞門卽旅樹禮經證魯論重疊若規矩豈有臺門
端能處三姓女冶容充後庭門固非其所懷遠名三歸此
義或有取老瞞銅雀伎柰何誣仲父因之謂女閭仲以招
行旅污衊由此臺含冤不得吐左氏最浮夸小穀義齟齬
左氏謂城小穀爲管仲非是譏桓夫人六於仲無褻語其他百氏說荒
謬更宜去昨日發在平北里百千戶行人過此臺徘徊在
眉宇發憤痛論列作詩正風土譏譏非解經政俗冀有補

東阿弔曹子建

兩朝鬱忠憤七子避宗工品越父兄上裁生骨肉中悲哀

託明月富貴類飄蓬李杜傳詩統高名慰爾躬

汶上待渡三疊夜發韻

川原寂寞高賢往津濟遲回旅客閒薄暮人聲全在水遙
空雨氣欲無山寒生小市疏帘外秋盡激潭落葉閒累日
煙波風景熟此行擬買綠蓑還

塗次贈王壽梅

時壽梅將歸吳門

南望三千里吳江楓樹林秋風起京洛歸路極蕭森薄酒
同荒驛空囊賸古琴洞庭有丹橘似爾歲寒心

兗州聽雨四疊夜發韻

我從汶水趨滋水雨亦追隨不同閒風起南樓寒似雪雲

來東海重如山低垣草溼空槽裏敗屋衣霑短榻開徹夜
一鐙團坐語長塗幸與故人還

鄒縣道中雨雪賦詩述懷

昔我別淮頃楊柳依春渚今我離京師雪似霏霏雨可憐
非王事形役乃更苦何況歸仍飢八口無二鬴離懷久不
堪雪意忍相阻歸期入家書盼望切兒女撥棄勿復道萬
事耐羈旅

峩峩鄒縣南孟氏有廟堂昔我南歸時驅車過其旁今日
雨沒軸徒爾瞻宮牆自問行役來百感纏回腸霜雪壓我
身志氣何由剛揆之不動心相背如參商且歸養我心七

篇求津梁

野宿

三日雨後雪一尺車下水昏黑車輪陷泥裏左輪力拔右
輪墜輪起老羸堅不起疲極甘心受鞭死羸兮羸兮爾努
力十里前邨界河驛爾早得芻人得息羣羸不應興夫呼
倉皇決計舍我車牽羸入邨往就芻客守空車夜將半困
不得眠飢不飯東風又號雨吹面四無雞聲幾時旦

雨夜與孔生聯句六十四韻

秋晚發京邑經旬抵汶陽葦風撲面緊城雨落衣涼

汶上初遇

雨順立癡雲聚晨興醒日藏遲迴愁縱轡抖擻備霜裛碑

販搜尋嬾關津應接忙邨橋催一飯市酒罷連觴淡沲煙

迷郭

遇雨之夕宿
交州西關

霏微草霧塘浮圖罨塵霧古殿鬱松樟

東國原繁劇南樓竟渺茫交馳巷泥滓曲避野淋浪巾墊
爭扳駕益翻促解裝暗篝當樺燭溼枕就藜牀窗紙吹沙

急簷茅滴漏長睡魔歸索寞故鬼說荒唐久坐吟肩蹙頻

搔旅鬢蒼推敲纔百字

聯句百
字令

滂沛早千行瑟瑟吳江客

謂壽
梅

飄飄楚國狂

子與孔生
家楚州

感時悲落木問夜盼扶桑遠

陌微通屐殘星畧露芒輪耳尙沾滯鐸語復郎當餘酒喧

官道沈陰壓女牆蕭疏還入耳去住此回腸樹影籠山店

次日行三十
里宿中山店

人聲滑石梁望程虞慘黑繫馬未昏黃移席

求乾處堆盤怕品嘗芒屨響廝養花袖黯妖倡弦索猶深

院萍蓬自異鄉衝寒和石燕入邑叩商羊

又次日由中
山店過鄒縣列

國邾婁地三遷聖善坊客思片可薦天更雪其雩珠瀑縱

橫濺瓊霏細碎颺前車戒傾側平土失康莊紆折深溝外

冥濛亂冢刳林原渾一色鐙火不成光低陷勤掀淖斜翻

猛控韁筋疲羸欲哭骨冷僕全僵騶子拋輕策征人守服

箱

不得達界河
驛野宿竟夜

此閒充次舍何處乞餓糧顛倒兒童睡

謂

梅雨孤危盜賊防雞聲薤悄悄夜氣積荒荒不寐嗟申旦

遘征羨犯霜轅衡竄名爽驂漸合助勸崖斷通亭驛河連

畫井

畫井
界河驛

艱難稅行李憔悴對衰楊敲榻開衾穩

酸齋入箸香清詩聊短壁白點又虛堂芻爨槽如壑庭窪
地似汪瀟瀟疊朝暮兀兀禁帷房

界河驛坐雨二日

僦屋紛高價

聯裾總遯囊淫霖方未已此月豈無良倦類寒鴉縮閒輪
候雁翔澆愁棲酩酊破寂鑄詞章叢木層幽暗羣峰四岫
疆館非上宮舊壤變井田方

驛屬滕縣

試算馳驅路都成沮洳

場滕邳化秦越煙水恣菰蔣彌望重湖截難尋一葦杭打
頭仍颯沓沒踝定踉蹌人欲憂中老家誰夢裏忘蹉跎孤
孔壁衰白詫潘郎筆枉題鸚鵡裘將典鸚鵡牢騷雜談笑
羸困激飛揚雄劒天堪倚高歌夜未央窮途何足泣幹轉
看時暘

官橋夜坐

土室小於斗夢回窗葉鳴風霜此客枕天地又雞聲積雨
有餘氣大星能獨明披衣邴櫟靜堅坐歎勞生

過二疏故里

二疏邁遐躅時衰乃見寶七十當懸車常訓非獨造常訓
不屑遵立身遂草草自云受恩重不敢輒言老豈知老而
歸天職疚心少老臣惜名節大廷有師表奔走竭筋骨報
君亦已小黃老貴知止吁嗟非聖道

微山湖晚眺

陸行山趣多觀水別名理樂哉茲湖游山水合清美未登

浮嵐閣到眼數百里微山矗雲樹搖動似葭葦風濤不敢
吞獨立卓有特羣山向南去鱗次附沙尾半湖純浸山陰
黑若潭底落日下垂天紅輪忽浮水水天雙輪一一碧百
波紫瑟瑟不可立荒寒朔風起峭帆爾何事暮入蒼煙裏

小順河題壁

邨落江南境新寒氣自凝北風高樹葉西日小池冰睢水
落沙岸銅山出野塍蕭森怯臨眺凍筆傍篝燈

過圯上作

帝子芒屨氣屠沽將相才因知下邳匿端爲沛公來臣主
機權合神仙幻境開素書何足問履跡化殘苔

次阜河飲孔生齋中感賦

斜日望亭候，累累遞邳宿。阜河分微巡，官廨但茅屋。地樸
洗紛華，室靜埽塵俗。古人感一飯，況乃備肴蔌。澤鳧配秋
菘，薺味四時足。野人挑菜把，投贈每陸續。主言羹齊薄，客
歎味清淑。飲食於天地，太精則傷福。沿河百有司，官崇利
優渥。珍膳到興臺，廚有臭梁肉。大農發泉布，支取非廩祿。
揮霍何從容，醉飽忘約束。君觀白田南，生時欲往高郵省觀運隄近
圯覆。秋初運河北風浪頭聲吹入萬家哭酸儒天所厚，清
談腴醢醢。當筵飫嘉惠，開襟恣遠矚。何時六府脩，普天豐
菽粟。

渡河作

獨向流沙外直趨滄海邊有誰才命世如此氣無前順軌
不爭地爲裁豈自天古來神禹出人事劇持權

袁浦別孔生

聯吟二千里欲別自牽裾孤客片帆去寒潮落日初故鄉
還在眼赤子未爲魚歲暮聞門日河渠須著書